

«ՀԱՅ ՆՈՐ ԳՐԱԿԱՆՈՒԹՅԱՆ ՊԱՏՄՈՒԹՅՈՒՆ», հատոր I—V, ՀՍՍՀ ԳԱ հրատարակչություն, Երևան, 1962—1979 թթ.:

«Հայ նոր գրականության պատմություն» գրախոսվող հնգհատորյակը, որ հրատարակել է Մ. Արեղյանի անվ. գրականության ինստիտուտը 1962—1979 թթ. ընթացքում, արդյունք է գրականագետ ավագ, միջին և երիտասարդ սերունդների շուրջ քսանամյա տընաչան կոլեկտիվ աշխատանքի: Այն իրականացվել է մեր նոր գրականության լավագույն մասնագետների ուժերով: Հնգհատորյակի աշխատանքները գլխավորել է գրականության ինստիտուտի հայ նոր գրականության բաժինը՝ վարիչ Ս. Սարինյանի ղեկավարությամբ:

«Հայ նոր գրականության պատմությունը» ժամանակագրորեն բնագրվում է մեր գրականության պատմությունը, սկսած XVIII դարի վերջին քառորդից առ ի 1920-ական թվականները, այսինքն՝ հայկական կլասիցիզմի սկզբնավորումից մինչև սովետահայ գրականության սկզբնավորումը, մոտ 150-ամյա մի ժամանակաշրջան, որի ընթացքում ծնվել, հասակ է առել ու առնականացել հայոց նոր գրականությունը:

Հայ նոր գրականության պատմության պարբերացումը ըստ հատորների թեպետ կատարվել է պարզ ժամանակագրական սկզբունքով, սակայն ժամանակահատվածների ընտրությունը բնավ պատահական չէ, այլ յուրաքանչյուր հատված ներկայացնում է գրականության զարգացման որոշակի և բնութագրական էտապ, համապատասխան սոցիալ-տնտեսական, հասարակաքաղաքական և մշակութային կյանքի տեղաշարժերին: Ըստ այդմ էլ գրականության զարգացման յուրաքանչյուր փուլ ընդգրկվել է մեկ հատորում և օժտվել ներածական ընդարձակ ուսումնասիրությամբ, նվիրված տվյալ պատմաշրջանի հայ հասարակական-քաղաքական կյանքի, մշակույթի և գրականության հանգամանալից բնութագրմանը: Ներածությանը հաջորդում են տվյալ ժամանակահատվածի նշանավոր հեղինակների կյանքի ու գործի գրապատմական քննությունները առանձին գլուխներով կամ էլ երկրորդական հեղինակների ստեղծագործությունների միագումար, ուրվագծային քննությունները, մեկ կամ մի քանի գլխի տակ, ըստ նրանց ստեղծագործության տեսակների («Այլ բանաստեղծներ», «Այլ արձակագիրներ», «Այլ գրամատուցներ» խորագրերով): Այնպես ու յուրաքանչյուր հատորում հանգամանորեն ներկայացվում է գրականության զարգացման տվյալ պատմաշրջանի ամբողջական պատկերը՝ ժողովրդի հասարակական, տնտեսական, քաղաքական ու մշակութային կյանքի տեսադաշտի վրա: Բացի այդ, յուրաքանչյուր հատոր ունի տվյալ պատմաշրջանի հայ գրականության ու մշակութային կյանքում կատարված բոլոր նշանավոր իրադարձությունների ժամանակագրությունը ըստ տարիների, անդամ ամիսների և օրերի (եթե հայտնի են), որով լրացուցիչ կերպով ապահովվում է գրականության պատմության փաստագրական-տեղեկատվական կողմը (կազմող՝ Ս. Շտիկյան): Յուրաքանչյուր հատոր օժտված է նաև անվանացանկով, որը մեծապես դուրացնում է գրանց օգտագործումը:

Նշածս իրողությունները դիտական այն սկզբունքային նախադրյալներն են, որոնց հիմունքներով իրականացվել է հայ գրականության այս նորաստեղծ պատմությունը:

Հայ նոր գրականության բաժինը և մանավանդ խմբագրական խիստ ակտիվ ու գործունյա հանձնաժողովը (որն, ի դեպ, կազմված է եղել հիմնականում գրախոսվող աշխատություն անվանի հեղինակներից՝ Ա. Ասատրյան, Ա. Ինձիկյան, էդ. Զրբաշյան, Խ. Սարգսյան, Ս. Սարինյան, Ս. Աղաբաբյան, Գ. Հովնան, Վ. Նալբանդյան) գրականության պատմության սկզբունքները մշակելիս հաշվի է առել հայ գրականության պատմության նախընթաց փորձն ու արդյունքները, իսկ շարադրանքի ընթացքում ինչ սովետահայ գրականագիտության, պատմագիտության, փիլիսոփայության, տնտեսագիտության, արվեստագիտության ձեռքբերումներից, ինչպես նաև 50—70-ական թթ. սովետական գրականագիտության առջև ծառայած տեսական-մեթոդաբանական խնդիրներից: Անցյալի գրական փորձի, սխալների ու վրիպումների, հայագիտության տարբեր բնագիտական նվաճումների, արդի գրականագիտության պահանջների

կոմպլեքսային-համակողմանի հաշվառումը հնարավորություն է ընձեռել աշխատության հեղինակներին ու խմբագրությանը հնարավորին շփոխոր, բազմաբարդ կապակցությունների ու բազմանիստ հիմքերի մեջ բացահայտել ու պատմականորեն ընդհանրացնել հայ նոր դրականության ծագման ու զարգացման մեկուկեսդարյա պատմական պրոցեսն իր վերելքներով ու վայրիվերումներով, գրական, հասարակական-քաղաքական տարբեր հոսանքների և ուղղությունների, սոցիալ-փիլիսոփայական տարբեր ուսմունքների, բարոյագիտական ու գեղագիտական, հաճախ իրարամերձ սկզբունքների սուր բախումներով և վերանորոգումներով: Այս տեսակետից բացառիկ արժեք են ներկայացնում գրական առանձին պատմաչառանքներն նվիրված ներածական ընդհանրացնող ուսումնասիրությունները, գրված անվանի գրականագետներ Ա. Ինձիկյանի, Գ. Ստեփանյանի, Ս. Սարգսյանի, էդ. Ջրբաչյանի կողմից. ուր գրականության զարգացման ընթացքը դիտված է, քննված ու պատճառաբանված ժողովրդի սոցիալ-տնտեսական, քաղաքական, մշակութային կյանքի, միով բանիվ՝ նրա կոնկրետ պատմական գոյի ու գիտաէությունից բազմաձև ու տարարնույթ կապերի ու կապակցությունների մեջ: Գրապատմական նման ընդհանրացնող բնույթ են կրում տվյալ շրջանի գրականության յուրահատուկ բաժին կազմող առանձին ուղղությունների, ժանրերի, տեսակների վերաբերյալ տեսական-պատմական ակնարկները (հայկական կլասիցիզմ, հրապարակախոսություն, դարասկզբի հայ քննադատները, մարքսիստ քննադատները, մեմուրային գրականություն, գյուղագրություն, աշուղական բանաստեղծություն, երկրորդական արձակագիրների, բանաստեղծների, դրամատուրգների վերաբերյալ ուրվագծային զուլխները), որոնք արդյունք են արխիվային ֆոնդերի, պարբերական մամուլի մանրակրկիտ պրպտման, ցաքուցիք գրական երկերի, կենսագրական տվյալների հավաքման, համակարգման, ընդհանրացման ջանադիր աշխատանքի:

Բայց գրականության պատմության բուն միջուկն ու էությունն են կազմում առանձին, այն էլ նշանավոր հեղինակներին վերաբերող մենագրական զուլխները, որոնց մեջ, ճնշող մեծամասնությամբ, ժանրային-ժամանակագրական սկզբունքով, գրականագիտական խոր, մանրակրկիտ հետազոտության են ենթարկված նրանց գրական ժառանգությունը, որը մեծ մասամբ դիտված է ոչ թե մեկուսի, այլ դրապատմական նախորդ ու հետորդ շրջանների սկրտմակարկող, բացահայտված հեղինակների ստեղծագործական էվոլյուցիան, պատմականորեն ու տեսականորեն ընդհանրացված են նրանց խաղացած դերն ու նշանակությունը հայ գրականության պատմական զարգացման ընթացքում: Մենագրական զուլխները մեծ մասի գրականագիտական բարձր պրոֆեսիոնալ մակարդակը, շարադրանքի անուրանալի արժանիքները պայմանավորված են մի շատ կարևոր հանգամանքով: Գրախոսվող աշխատության հեղինակ-գրականագետների ճնշող մեծամասնության համար իրենց հետազոտած գրողներն ու բանաստեղծները, գրական տեսակներն ու երևույթները եղել են ոչ թե պատահական, ինստիտուտի կողմից սոսկ պաշտոնապես հանձնարարված, այլ դրանք եղել են երկար տարիներ նրանց մասնագիտական հետազոտությունների կամ նախասիրությունների աուարկա և վաղուց ի վեր արժանացել նրանց կողմից մենագրական ուսումնասիրությունների: Հայ նոր դրականության գրախոսվող պատմությունը ստեղծվել է փաստորեն մեր երկրվա և այսօրվա գրականագիտության ընտրանու կողմից, հանգամանք, որն իր մասնագիտական բարձր կնիքն է դրել այս հնգահատոր աշխատության գիտական որակի վրա: Բացի այդ, գրողների մենագրական դիմապատկերներում գրեթե հաղթահարված է դրանց հիմք ծառայած մենագրությունների հեղինակային սուբյեկտիվիզմը, հոգուտ գրապատմական օբյեկտիվիզմի:

Թվարկված այս բուրբ արժանիքների շնորհիվ, գրախոսվող աշխատության հեղինակային բաղասամարդ անձնակազմին ու խմբագրությանը հաջողվել է ստեղծել գրականագիտության արդի պահանջները բավարարող հայ նոր գրականության գիտական համակարգված, ամբողջական պատմությունը, ուր գրական դեմքերն ու երևույթները քննված ու դիտված են իրենց պատմական զարգացման ու փոխակերպությունների ընթացքում, հայ ժողովրդի սոցիալ-քաղաքական ու մշակութային կյանքի լայն տեսագաշտի վրա, գրական ժանրերը, գրականության տեսակները, դրանց գաղափարական բովանդակությունը, գրական դեմքերի հանդես գալը դիտված ու պատճառաբանված է ազգային-հասարակական ու միջազգային քաղաքական կյանքում, ժողովրդի սոցիալական հոգեբանության, քաղաքական ձգտումների, բարոյագիտական ու դեղագիտական բնույթների մեջ կատարվող պատմական տեղաշարժերով: Ընդ որում, գրական դեմքերն ու երևույթները, գրական շարժումներն ու փոփոխությունները հետազոտված են ու դիտված ու թե սոսկ ազգային նեղ շրջանակներում, իբրև տեղական ինքնարավ երևույթներ, այլ ուսու և եվրոպական գրականության ու մշակութային զարգացման ընդհանուր պրոցեսի սկրտ առնչությամբ: Բացի այդ, գրախոսվող հատորներում գրեթե իսպառ հաղթահարված է

անցյալում հաճախ դրսևորվող հայկական երկու մեծ հատվածների՝ արևելյահայ ու արևմտահայ գրականության ու մշակույթի առերևույթ անջրպետը և այդ զույգ հատվածների գրականությունը դիվազան է ու հետազոտված իրեր ազգային-հասարակական միեկնույն գրգռմաներից ու ձգտումներից զոյացած մեկ միասնական ամբողջություն:

Քննություններ ու վերացումներ այս աշխատության մեջ, անշուշտ, կան և չէին էլ կարող չլինել, բանդի այն ստեղծված լինելով Լրկար ու ձիգ տարիների ընթացքում հեղինակային մի լրացմամարդ կոնկրետի կողմից, որի յուրաքանչյուր ներկայացուցիչ ունենալով իր անհատական խառնվածքը, գրականագիտական ունի ու ճաշակը, անձնական նախասիրություններն ու ունակությունները, րնականաբար, պետք է հանգեցնեն աշխատության տարբեր գլուխների գիտական շարադրանքի ոչ միասնական որակի: Քննատ խմբագրությունը կարողացել է հիմնականում հաղթահարել տարբեր հեղինակների շարադրանքների ունական տարբերությունները և այն արտաբուստ վերածել ունական միասնության, սակայն անհնարին է եղել անել անկարելին՝ տարբեր հեղինակների շարադրանքներին հաղորդել գիտական միասնական որակ: Այստեղից էլ առաջանում է գրականության պատմության տարբեր գլուխների որակային տարբերությունները: որոշ գլուխներ գրված են գրականագիտական փայլուն տաղանդով, իսկ որոշ գլուխներ գիշում են դրանց:

Սեկ այլ թերացում. գրախոսվող աշխատության մեջ հեղինակների զգալի մասը ուշագրությունը սեկոնյով բանաստեղծ-գրողների Լրկերի դադափարական բովանդակության բացահայտմանը, դրա պատմական արժեքի գնահատմանը, որն ինքնին, հատկապես մեր գրականության համար ունի գրապատմական շատ կարևոր խնդրի արժեք, հաճախ աջաթող է արել կամ զանց է առել գրական-բանաստեղծական երկերի գեղարվեստական հատկանիշների, գրական տեսակների զարգացման մեջ տվյալ հեղինակի բերած նորամտությունների, նրա գեղարվեստական խոսքի առանձնահատկությունների բացահայտմանն ու քննություններն, այսինքն՝ այն սպեցիֆիկ-գեղարվեստականը, որը մի հեղինակին տարբերում է մյուսից:

Սա ոչ թե գրախոսվող աշխատության թերությունն է միայն, այլ մեր երեկվա, մասամբ և այսօրվա գրականագիտության թերացումը ընդհանրապես: 1970-ական թվականներից զգալապես փոխվեցին գրական Լրկերի գնահատման շափանիշները, առավել կարևոր ու առաջնակարգ տեղ սկսեցին հատկացնել գրական երկերի գեղարվեստական-տիպարանական հատկանիշներին, մի պատմական հանգամանք, որն իր արտացոլումն է գտել նաև վերջին քսան տարվա ընթացքում ստեղծված հայ նոր գրականության պատմության տարբեր հատորներում: 3-րդ, 4-րդ և 5-րդ հատորների ներածություններում (հեղինակներ՝ Ս. Սարխյան, է.դ. Զորաշյան), օրինակ, զգալի տեղ է հատկացված գրական պատմաշրջանների տեսական-գեղագիտական գնահատմանը, գրական հոսանքների, ուղղությունների, ժանրերի պատմական հերթազայությանը, փոխակերպություններին ու զարգացմանը, քան, դիցուք, 1-ին և 2-րդ հատորների ներածություններում, որտեղ նման խնդիրները շոշափված են շատ հպանցիկ:

Նշված և շնչված այլ կարգի թերությունները լռելով շն կարող նսեմացնել հայ նոր գրականության հնգհատորյա պատմության գիտական ու պատմական այն խոշոր, մնալուն արժեքը, որը զայիս է իր անանցելի տեղը գրավելու հայ մշակույթի պատմության մեջ ընդհանրապես և գրականագիտության պատմության մեջ մասնավորապես: Ըվ երբ նկատի ենք առնում հայ նոր գրականության պատմագիտության նախորդ փորձն ու մանավանդ արդյունքները, հատկապես 1940—1950-ական թթ. լույս տեսած եռագիրք պատմության զույգ հրատարակությունները, որոնք ունեին սոսկ դպրոցական-ուսումնական նպատակներ, ապա շնք կարող գոհությամբ և անդամ հպարտությամբ շարձանագրել, որ այժմ ունենք մեր նոր գրականության գիտական համակարգված պատմությունը. այն զալիս է լիուլի բավարարելու ոչ միայն գիտական հասարակայնության մասնագիտական, այլև ուսանողության և առհասարակ ընթերցող լայն զանգվածների պահանջները: Ըվ գրականության այդ պատմությունը ոչ թե մեկ անհատի մտքի արդյունք է, այլ լավագույն գրականագետների մի քանի սերունդների, որն իր մեջ է ամփոփում սովետահայ գրականագետների վերջին մի քանի տասնամյակների գիտական նվաճումները, հետևաբար և դառնում հիմնարար, ժանրակշիռ և մնալուն արժեք հայ գրականագիտական մտքի պատմության մեջ:

ՍԱՐԳԻՍ ՀԱՐՈՒԹՅՈՒՆՅԱՆ
Բանասիրական գիտությունների դոկտոր